



古320
544.2
:5


南104
864
17



周乙公鼎



周乙公鼎




乙公作
尊鼎子
孫永寶

乙公作
尊鼎子
孫永寶

右高一尺耳高二寸闊二寸二分深六寸九分口
徑一尺一寸一分腹徑一尺一寸三分容二斗有
半重一十九斤十兩三錢銘一十一字按史記齊
世家太公卒百有餘年乃有乙公得立則所謂乙
公者太公之後而君於齊者也觀其器蝕缺成痕
蓋非周初上齊之品其亦不純於古矣

周嬪氏鼎





重作散伯
 嬭氏
 永寶用

右高九寸三分耳高二寸闊一寸八分深六寸有半口徑一尺五分腹徑一尺容一斗六升四合重一十二斤十有四兩三足銘一十三字按許慎嬭通作妘祝融之後姓也富辰有曰妘妘而韋昭以妘為妘姓之女今散伯雖於傳無見蓋亦祝融後姓而妘妘之族歟


冊也許慎謂象其札一長一短中有二編之形符命也諸侯受命於王者故尊鼎之間

類多作此


博古圖錄


卷三

十四



周
寘
父
鼎






師寔父作
季姑尊鼎

右高六寸三分耳高一寸六分闊一寸七分
 深四寸一分口徑七寸六分腹徑七寸七分
 容五升有半重六斤三兩三錢銘八字師寔
 父於經傳無所見惟周有簠蓋銘曰姬寔母
 而此曰師寔父豈非作簠者寔之母而作鼎
 者寔之父耶姬言其姓師舉其官耳吉姓也
 左氏外傳有曰伯吉義母作匜有曰仲吉而
 此曰季吉殆其族耶謂之尊鼎與魯公作文

王鼎而曰尊彝同意



周虎生鼎





履生室作
其鼎子孫
萬年永寶用

○ 尫生室作
其鼎子孫
萬年永寶用

右高六寸九分耳高二寸闊一寸五分深四寸
九分口徑八寸六分腹徑八寸五分容八升七
合重九斤三足銘十六字按左傳后羿有臣曰
尫圉鄭有大夫曰公子尫此鼎雖古而款識曰
年己非有夏之制則尫不可為尫圉殆所謂公
子尫耶謂之生亦猶韜敦曰屈生之類是歟

周 絳 駒 父 鼎






絲駒父
旅鼎永實用


絲駒父作
旅鼎永實用

右高六寸九分耳高一寸八分闊二寸深四寸六分口徑八寸一分腹徑七寸九分容六升七合重五斤十有五兩三足銘九字曰絲駒父作旅鼎永實用絲字頗漫滅未詳曰駒父則今所藏敦有仲駒父作仲姜敦左傳則有駒伯為郤克軍佐駒其姓也有公子駒奔衛則駒其名也此曰駒父其同駒伯為姓耶曰旅鼎則燕禮所謂士旅食左傳所謂庭實

旅百之旅也通體純素而商之簡古猶存特
 銘款加詳知周物也



周豐鼎





豐用也
 豐鼎

豐用作
 鼎

右高三寸二分耳高八分闊八分深一寸九分口徑長三寸二分闊二寸七分腹徑長三寸九分闊三寸三分容七合重一斤二兩四錢銘六字曰豐用作玫鬯彝豐名也凡彝器不可得而專有必賜於君然後敢製焉謹君命而銘之故於是書其名是器如簋比它器為特小然銘文典古三代物也

周師秦宮鼎







惟五月既望王○
 ○于師秦宮王格
 于享廟王○錫○
 ○○
 ○○
 ○○
 ○○
 敢對揚天子丕顯
 休用作尊鼎○其
 萬年永寶用


右高一尺耳高二寸五分闊二寸六分深七寸二分口徑一尺八分腹徑一尺容二斗重十有七斤銘四十七字磨滅不可考者十有二字曰惟五月既望者猶書肫望生明生魄以紀時紀日也其曰師秦宮則師秦之宮以名其人猶師寇師毀也王格于享廟而有錫焉則錫命而賞于祖也臣受命于君則當有以對揚之詩曰對揚王休書曰對揚天子之

休命此言敢對揚天子丕顯休蓋亦如是矣
然後可以作鼎保用而祝之以萬年為詞云



周子父舉鼎








右高九寸四分耳高一寸八分闊一寸九分
深四寸一分口徑七寸二分腹徑六寸五分
容四升六合重六斤十有二兩三足銘三字
是器耳與腹皆素純緣之外以夔龍雷篆間
飾足亦作夔狀比他鼎形制為特高銘曰子
父按古者父為大夫子為士則葬以大夫祭
以士父為士子為大夫則葬以士祭以大夫
是祭父皆從其子而鼎者祭所用之器又以

博古圖金 卷三 廿四
銘表著其祖一之美故祭統曰鼎有銘自名
者也是鼎也銘雖無文而特以一父識之其
下又為舉字蓋取其以手致而與人之意則
知用之於父盡力以致享而不敢虛美其先
者也

周欒鼎蓋







宋公鑠
之鍊鼎


右高一寸八分深一寸四分三圜環各徑圜
一寸重二斤十有三兩銘六字曰宋公鑠之
鍊鼎且春秋帝乙之後微子為宋公都商丘
大辰之墟自微子至景公蓋三十六年獲麟
之歲景公者名鑠是所以為宋公鑠也作鍊
鼎者食器也易曰鼎折足覆公餗則銘以鍊
亦以為飲食之節而已今所藏一鼎銘曰王
命敷鑠一鼎曰鑠女皆一時物也然二器皆

名之周蓋微子得用先王禮樂於周為客是
 宋也而謂之周




宋夫人鼎蓋





右高一寸九分口徑六寸八分重二斤七兩
 銘八字曰宋君夫人之餽釡鼎古者邦君之
 妻君稱之曰夫人夫人自稱曰小童邦人稱
 之曰君夫人此言宋君天人者邦人稱之也
 餽鼎實也猶易鼎卦之言公餽也惜乎不得
 其全考諸款識有由宋公絜之餽鼎者而此
 謂之宋君夫人其字畫又切相類殆同時所
 造也

亦政堂重修宣和博古圖錄卷第三



亦政堂重修宣和博古圖錄卷第四

鼎四 三十一器

周

百乳方鼎一

百乳方鼎二

龍鼎

蟠虬鼎一

蟠虬鼎二

蟠虺鼎

蟠虺鼎一

蟠虺鼎二

蛟螭鼎一

蛟螭鼎二

蛟螭鼎三

蟠夔鼎

蟬紋鼎一

蟬紋鼎二

蟬紋小鼎

蟠夔鼎一


蟠夔鼎二

蟠夔平蓋鼎

夔龍雷紋鼎

夔龍侈口鼎

饗養鼎



圜腹饗養鼎

盤雲饗養鼎

素饗養鼎

獸足鼎一

獸足鼎二


獸足鼎三

鱗紋鼎一



鱗紋鼎二

獸緣素腹鼎一


獸緣素腹鼎二



周百乳方鼎一




周百乳方鼎二



前一器高二尺二寸耳高五寸八分闊六寸
深一尺二寸六分口徑長一尺七寸闊一尺
二寸容一石九斗一升重八十六斤七兩四
足無銘
後一器高二尺一寸六分耳高六寸一分闊
七寸深一尺一寸七分口徑長一尺六寸三
分闊一尺三寸六分容一石七斗重一百斤
四足無銘


右二器方之諸鼎特為高大所同者周以乳
 形純緣之下環以饗養所不同者前一器乃
 夔足而眉作蛇虺蟠屈之狀後一器足亦作
 夔形而鼻稜四翼屹然款足與體俱徹恐
 致水火之齊欲其易熟爾但形制質朴為衆
 鼎之雄寔可寶於後世者

周龍鼎





右高七寸一分耳高一寸七分闊一寸五分
 深四寸四分口徑六寸三分腹徑六寸八分
 容五升三合重五斤三足無銘是器著象若
 龍傳曰龍以不制為龍以其升降自如能小
 能大或潛或躍善於變化而有利澤以及於
 物也鼎之烹飪可以享上帝可以養聖賢其
 為用大矣所以特取象於龍蓋以求配其類
 也

周蟠虬鼎一



周蟠虺鼎二



前一器通蓋高一尺二寸八分耳高三寸二分闊二寸二分深七寸三分口徑九寸八分腹徑一尺二分容二斗共重一十九斤十有二兩三足無銘

後一器高五寸耳高一寸五分闊一寸六分深三寸二分口徑七寸六分腹徑六寸七分容四升重三斤七兩三足無銘

右前一器通蓋以蟠虬為之飾三足皆獸狀

腹周以綯紐蓋頂設六拱乘環後一器底平與他鼎稍異三足素而無紋惟純緣飾蟠虬之形二器皆以蟠虬為之飾亦以示其不可妄動之意



